

- mesabchemoes:** (*mesabchem`oes*)
mesabchemoes a melngot a chemoes el dellomel; sobngii a kukau, musech a diokang.
- mesachel:** (*mes`achel*) (1)
mesachel a olab el mo er a bab; smecher a diak el sachel a chimal; mesachel a chimal el mekiis; melasem el mengider a chimal.
- mesachel:** (*mes`achel*) (2)
mesachel a oruikl a chad el merael el omengur a ngodech el blai.
- mesaik:** (*mes`aik*)
mesaik a kesibor; diak le meses el ourreor a mesaik; mesaik a diak a sersel me ng songerenger.
- mesakd:** (*mes`akd*)
mesakd a odak a betok e lmechet; smakd a brer; sokdii a olechutel, sekdel.
- mesako:** (*mes`ako*)
mesako a betok; obdois, klou a seked; rengalek a ko er a mesako el ngal er a rael.
- mesalo:** (*mesal`o*)
mesalo a solouii a bluu; smalo a ulecharo; mechas a smalo er a mesei, seleuel.
- mesam:** (*mes`am*) (1)
mesam a suam a chimal el leko ng mengelebed; omekdakd; somur a ngerel; semul a chim.
- mesam:** (*mes`am*) (2)
mesam a melasem er a chellungel me a telechull, suam a sualo el omes a berraod; somur a telechull; semul.
- mesamk:** (*mes`amk*)
mesamk a somkii a kukau; suamk a melai a samk; suamk a lius; semkel.
- mesang:** (*mes`ang*) (1)
mesang a duobech el selang, delebes el kedorem; smang a bambuu el sers; sengal a bambuu.
- mesang:** (*mes`ang*) (2)
mesang a omes; ues er a mad; ka mesang; kemesang ng diak?
- mesaod:** (*mes`aod*) (1)
mesaod a imakl el mo kakerous; bebil er sei me a bebil er tiang, sodel.
- mesaod:** (*mes`aod*) (2)
mesaod a mengedereder; olecholt, olsisechakl; smodii, sensei a mla smaod a suobel, sodel.
- mesarech:** (*mes`arech*) (1)
mesarech a merael el omes; sorechii a skuul; smarech a betok el beluu; serechel a beluu.
- mesarech:** (*mes`arech*) (2)
mesarech a sorechii el oba ochil; smarech a dellomel; roderd; serchel a dellomel.
- mesauch:** (*mes`auch*)
mesauch a ngmai el choroid; souchii a buuch; smauch a diak el buchel; suchel.
- mesaul:** (*mes`aul*) (1)
mesaul a mechitechut; olengoech a bedengel, mesaul a rengul; saul, sulel.
- mesaul:** (*mes`aul*) (2)
mesaul a mereng a saul; ke kmal mesulang, ng mesaul er ngak; sulel.
- mesaur:** (*me`aur*) (1)
mesaur a melechet; sourii a cheluomel, saur a billum, surel.
- mesaur:** (*mes`aur*) (2)
mesaur a chosengur a chad el orrenge; becheldechedechaol a mesaur a rechad; ak melsaur er a cheldecheduch.
- mesbedang:** (*mesbed`ang*)
mesbedang a mla mo mesubed a rengul; mla mo medengei; sbedel a reng.
- mesbesib:** (*mesbes`ib*)
mesbesib a medemedemek el chutem me ng beot el mesib; mesbesib el sers.
- mesbesibech:** (*mesbes`ibech*) (1)
mesbesibech a beot el mesibech; sibecheii a titimel, titimel a mesbesibech el kerrekar.





mesbesibech

mesbesibech: (*mesbes`ibech*) (2)

mesbesibech a ta er a bedengel a kerrekar.

meschedekl: (*meseched`ekl*)

meschedekl a melibuk; sixedeklii er a rengul; mtebengii, mesisiich el delibuk; sixedekl a besebes.

meschelakl: (*mesechel`akl*)

meschelakl a sechelooch; mengelooch.

meschoues: (*mesecho`ues*)

meschoues a ta er a bedengel a kerrekar.

mesebang: (*meseb`ang*)

mesebang a ta er a bedengel a ngikel.

mesebech: (*mes`ebech*)

mesebech a melasem el meluk a kllou; mo selebech el ungil el ildois; mo diak el medeel; mesebech a kall el mo diak a delikiik.

mesebechakl: (*mesebech`akl*)

mesebechakl a olseobel; sobecheklii a chad; sobechechl, olengeseu er a rosngang; osebecheklel.

mesebek: (*mes`ebek*)

mesebek a melolk; sobekii a bduu; suebek a tebel; uach a diak le kirel mesebek a klalo; sebekel a bduu.

mesebel: (*mes`ebel*)

mesebel a melai el oba sebel; sobelii a chelechol, suebel a bertakl; mesebel a chutem, sebelel.

mesebes: (*mes`ebes*) (1)

mesebes a omesebes; melechet er a besebes, mesebes a billum, mesebesii a ngikel, besebesel.

mesebes: (*mes`ebes*) (2)

mesebes a omesebes; melib a tekoi; mesebesii a cherrakl; rengelbechull a mla mesebes a urreolbeluu; besebesel.

mesebesebech: (*mesebes`ebech*)

mesebesebech a smau el blechoel el mengesai; chetil a uldirekorek; sobechehii a blengur, suebech a kall.

mesebesebek: (*mesebes`ebek*)

mesebesebek a suebek; charm a mesebesebek.

mesebesechii: (*mesebesech`ii*) (1)

mesebesechii a omesebosech er ngii; merrob er a urreor; melemall.

mesebesechii: (*mesebesech`ii*) (2)

mesebesechii a omasech; omechur, omesebasech a sulel; olecholt a betok; besebesechel a sulel.

mesebosech: (*meseb`osech*)

mesebosech a omtok a telib el tekoi; omosech; omesebosech a soal el oltaut a di uldesuel; melemall a telbiil.

mesebsils: (*mesebs`ils*)

mesebsils a ngar er a sils.

mesechelangel: (*mesechel`angel*)

mesechelangel a ta er a bedengel a kerrekar.

mesechesechel: (*mesechesech`el*)

mesechesechel a urrukkel er ngii, ulsechesech, blik a ngar er a mesechesechel a beluu.

mesechesuched: (*meseches`uched*)

mesechesuched a meknngit a ngerel; diak el ungil a omelekingel; isingel a smau el mesechesuched, smuched a tekoi, suchedii a cheldecheduch.

mesechii: (*mesech`ii*) (1)

mesechii a omasech er ngii; ngar a belsachel el mong; besechel.

mesechii: (*mesech`ii*) (2)

mesechii a merrob er ngii; melemall er a telbiil.

meseDEM: (*mes`edem*)

meseDEM a olengit; mengesuseu a reng; suedem a cherrakl, suedem a omenged; sodemii a soal el dil; sedemel a soal.

mesei: (*mes`ei*)

mesei a meselech; bliil a dellomel el dait; kukau a ngeuul er a mesei.

meseiedel: (*mesei`edel*)

meseiedel a kerrekar el kmeed el ua titimel.



- mesekall:** (*mesek`all*)
mesekall a diak le mekard;
meringel el tekoi; rengmiu ng di
mesekall a sengerenger er a bliil a
kelebus.
- meseked:** (*mes`eked*)
meseked a kosekodel; diak le
medidai; sokedii a skuul, smeked
a blai, sekedel.
- mesekedang:** (*meseked`ang*)
mesekedang a mla mo meseked.
- mesekelat:** (*mesekel`at*)
mesekelat a ta er a bedengel a
ngikel.
- mesekerrak:** (*mesekerr`ak*)
mesekerrak a ta er a bedengel a
kerrekar.
- mesekeseked:** (*mesekes`eked*)
mesekeseked a telkib el meseked;
kebkab a mesekeseked er a
cheldingel.
- mesekiu:** (*mesek`iu*)
mesekiu a meklou el ngikel.
- mesekmel:** (*mesekm`el*)
mesekmel a mesikm er ngii; ulsikm.
- mesekui:** (*mesek`ui*)
mesekui a ta er a bedengel a kerrekar.
- mesekuuk:** (*mesek`uuk*)
mesekuuk a ta er a bedengel a ngikel.
- mesel:** (*mes`el*)
mesel a diak le beot el outeliil;
smecher el ngul a mesel; kedeb a
telil; sel.
- meselech:** (*mes`elech*)
meselech a mesei.
- meseloakl:** (*mesel`oakl*)
meseloakl a merutech; merurous;
soloueklii a odoim; meseloakl a
kelel a beluu, seloeklel a babii me
a ngikel.
- meselsel:** (*mesels`el*)
meselsel a telkib el mechesang,
meselsel el orrechereched a kles.
- meselsuld:** (*mesels`uld*)
meselsuld a mekokil e blechoeel
mesuld; meselsuld a cheleuid er a
babier.
- mesengaked:** (*meseng`aked*)
mesengaked a klengaked; diak le
kedelebuu; klengkedel,
selengaked.
- mesengei:** (*meseng`ei*)
mesengei a mla mesang; ako el
mesengei er a medak.
- mesengesongeb:** (*mesenges`ongeb*)
mesengesongeb a diak le mechuit;
ulsiich el cheredoched a doringet
er ngii e ng mesengesongeb.
- mesengird:** (*meseng`ird*)
mesengird a mesaul a bedengel er
a meringel el urreor;
mesingerdang.
- mesengkedang:** (*mesengked`ang*)
mesengkedang a mocha
mesengaked.
- mesongsongd:** (*mesengs`ongd*) (1)
mesongsongd a mekekakil el
mesongd er a bdelul.
- mesongsongd:** (*mesengs`ongd*) (2)
mesongsongd a melongsongd;
omngar a sengsongd; melai a
mekekerei el rachel, sengsengdel.
- mesengul:** (*meseng`ul*)
mesengul a belngel; meringel a
mesengul a ulul.
- meseoes:** (*mese`os*)
meseoes a omet; mengiuetokl;
omeseos a kles el lius.
- meses:** (*mes`es*)
meses a bekurreor; diak a
ulengellel er a urreor; sesengel er
a omenged; diak le mesaik.
- mesesechosech:** (*mesesech`osech*)
mesesechosech a mekekakil e
mekudem el melechosech a kall;
oudertelkib; suchesechii,
sechesechel.
- mesesechull:** (*mesesech`ull*)
mesesechull a melemolem el ngar
er ngii a telkib el chull.
- meseserechaki:** (*meseserech`akl*)
meseserechaki a ngar ngii a kekerei
el kesebeklel a ochil a lorael;
meseserechaki er a ulaol.



meseseseb

meseseseb: (*meses`eseb*)

meseseseb a beot el tmaut a ngau er ngii; medirt el ked a meseseseb; sesebel.

mesesii: (*meses`ii*)

mesesii a omeseos er ngii.

mesesilil: (*mesesil`il*)

mesesilil a di milil; chetil el ourreor.

mesesisaik: (*mesesis`aik*)

mesesisaik a a telkib el mesaik.

mesesiusech: (*mesesi`usech*)

mesesiusech a telkib el meiosech a eolt.

meseskebelung: (*meseskebel`ung*)

meseskebelung a bebulong; kekebelung, meoud a bdelul el omdasu, ongebelung.

mesesmesumech: (*mesesmes`umech*) (1)

mesesmesumech a beot el mesumech a meringel er a bedengel; sumechii, suumech, smeichel.

mesesmesumech: (*mesesmes`umech*) (2)

mesesmesumech a mekudem el mesumech; suumech a tekoi, msa klumech, klmeichel.

mesesngos: (*mesesng`os*)

mesesngos a mekekakil el melngos.

mesesodel: (*meses`odel*)

mesesodel a beot el mesodel, beot el metat; mechitechut el bail a mesesodel; sedel a mechut el bail.

mesesrars: (*mesesr`ars*)

mesesrars a beot el mesrars; sirsii a uulech, sirars, merrars a ochil.

mesesuau: (*mesesu`au*)

mesesuau a meseskebelung; telkib el uau; bebubong.

mesesulaul: (*mesesul`aul*)

mesesulaul a telkib el mesulaul; klululel.

mesesusauch: (*mesesus`auch*)

mesesusauch a beot el mesauch, beot el mengubet er a olsechelel; ochil a malk a mesesusauch.

mesesusaul: (*mesesus`aul*)

mesesusaul a telkib el mesaul.

mesesusuud: (*mesesus`uud*)

mesesusuud a beot el mesuud; suedii, ulechel a kim a mesesusuud.

mesib: (*mes`ib*)

mesib a sibur a chutem el oba osib; mengiis er a chutem; suib a cheleliuis; sbul a sers.

mesibech: (*mes`ibech*)

mesibech a chuam a rachel el otengel; sibecheii a iedel; mesibech a ramek, sbechel a rachel.

mesichii: (*mesich`ii*)

mesichii a omesiich er ngii; locha besichel.

mesidokel: (*mesid`okel*)

mesidokel a smau el idokel; blechoel el idokel; mesidokel el chad.

mesikd: (*mes`ikd*)

mesikd a cheldellel a betok el btuch.

mesikm: (*mes`ikm*)

mesikm a eru el klalo el kaiuaturek; idekel a but mesikm; uchauch a mesikm; ulsikm a ngerel.

mesil: (*mes`il*)

mesil a klalo el merasm a mamed; klekedall el usbechall er a meruul el klalo; mesil er a dengki; mesil el mesib; meselengel.

mesilek: (*mes`ilek*)

mesilek a smilek a klalo; melai a idekel a bail, omekbeches; silekii a bilek; sekel.

mesim: (*mes`im*)

mesim a olsesei el choroid er a olsechelel; simengii a kingall el mong; suim a tebel, mesim a klalo e meledaes er a ulaol; smengel a tebel.

mesingerdang: (*mesingerd`ang*)

mesingerdang a mesulang er a urreor; mesengird.

mesiou: (*mesi`ou*)

mesiou a ourreor el kirel; mesiungel a buai, mesiou a meses el ourreor; mesiou a mangedmokl.





- mesirii: (*mesir`ii*)**
mesirii a omesiur er ngii; orrael er ngii, orolii a mlai; mesurii a chad.
- mesisiich: (*mesis`iich*)**
mesisiich a diak a rekdal; meduch a rengul; chad er a klekool a mesisiich; a bedengel; klisichel.
- mesisiou: (*mesisi`ou*)**
mesisiou a meses e smau el mesiou; siungii a buai; mesisiou a kelel a merreder, siungel.
- mesisngos: (*mesisng`os*)**
mesisngos a mekekakil el melngos; melekosek el oba oles; sungos a techel a babii, sngesngel a tech.
- mesisuosu: (*mesisu`osu*)**
mesisuosu a mekudem el siuosu; osus, osesus er a klobak.
- mesiuch: (*mes`iuch*)**
mesiuch a metemall a sengchel; seliuch a diak loraal, siuch.
- mesiungel: (*mesiung`el*)**
mesiungel a mesiou er ngii; mesiungel a chelid.
- mesieur: (*mes`iur*)**
mesieur a omesiur; orrael; mesieur a mlai, mesirii a diall.
- meskerekur: (*meskerek`ur*)**
meskerekur a ta er a bedengel a kerrekar.
- mesmechokl: (*mesmech`okl*)**
mesmechokl a remuul el mo er a urrebetellel; sumecheklii a omekedecheraol; sumechokl a tekoi, smecheklel.
- mesmengt: (*mesm`engt*)**
mesmengt a locha smengt; simengtii a rael; simengt a ulaol; smengtel.
- mesmesim: (*mesmes`im*)**
mesmesim a beot el mengai el mo e mei; imengii a mechitechut a uldesuel; suim a uldasu; simesmengel.
- mesngerekl: (*mesnger`ekl*) (1)**
mesngerekl a mle kirel e dikeang; mla mesngerekl a omerael; singereklii a klechedaol; singerekl a kles.
- mesngerekl: (*mesnger`ekl*) (2)**
mesngerekl a ngmai a klalo el mides; medechakl a belatong; singereklii a olekang; singereklel a klalo.
- mesngii: (*mesng`ii*) (1)**
mesngii a omus er ngii; omail er ngii er a mamed; besngel a kall.
- mesngii: (*mesng`ii*) (2)**
mesngii a omus er ngii; omerober er ngii; mesngii a udoud er a delal; besngel.a chutem.
- mesobil: (*mesob`il*)**
mesobil a diak le bechiil; klsobeliall.
- mesodel: (*mes`odel*)**
mesodel a met; kesib a rengul a mesodel a bilel; sodelii; smodel a bail, sedelel.
- mesokl: (*mes`okl*)**
mesokl a ngodechii el mo sokl; soklii a cheldech duch, smokl a uldasu, sekel.
- mesongd: (*mes`ongd*)**
mesongd a songdii a bdelul; smongd a bderrir a rengalek.
- mesosii: (*mesos`ii*)**
mesosii a omeseos er ngii; omet a lius; besosel.
- mesterir: (*mester`ir*) (1)**
mesterir a omes er tir; ues er ngii; milsterir el chemiis el mong.
- mesterir: (*mester`ir*) (2)**
mesterir a omesterir; oldars el mo er tir; mesterir a udoud.
- mesubang: (*mesub`ang*)**
mesubang a mocha mesuub; te mesubang me ng dikea cherrodech.
- mesubech: (*mes`ubech*) (1)**
mesubech a ngmai a tenget; subech a kaud er a ralm; sbechel a kudal a ralm.
- mesubech: (*mes`ubech*) (2)**
mesubech a melai el oba osubech; mesubech a brak; sbechel.
- mesubed: (*mes`ubed*) (1)**
mesubed a ouchais; subedii er a secher; subedeterir er a kodall; sbedel.





mesubed

mesubed: (*mes`ubed*) (2)

mesubed a mendedmokl a llius el ilaot er a osbadel; subedi; suubed a ilaot; mesubed a lmuut el sungos a bung; sbedel.

mesubedadingal: (*mesubedading`al*)

mesubedadingal a ungil a orengesel; remenges e medengei e meruul a medung; sbedel a ding.

mesuch: (*mes`uch*) (1)

mesuch a smuch; meterekakl el omelai; mesngii; suchar a ngalek.

mesuch: (*mes`uch*) (2)

mesuch a omed a udoud me a klalo, meleng, sechal a udoud.

mesuch: (*mes`uch*) (3)

mesuch a di ngii el mengubet; el mengur a mla mesuch el ruebet; sechal a oelang.

mesuched: (*mes`uched*) (1)

mesuched a omekringel a bedengel a chad; suchedii a chimal, smuched e kmuk a bedengel; uldechuul er a osuched; sechedel.

mesuched: (*mes`uched*) (2)

mesuched a mekngit a ngerel; klasekl a omelekingel; mengelebed a reng a tekingel; olebechall, omeuchosul.

mesulang: (*mesul`ang*) (1)

mesulang a mereng a saul; ke kmal mesaul, ke mesulang.

mesulang: (*mesul`ang*) (2)

mesulang a mla mo mesaul el ourreor mla tmurk a rengul; sulel er a omelaml.

mesulaul: (*mesul`aul*)

mesulaul a mesululang; soal el imiit a medal; olengellokl.

mesuld: (*mes`uld*)

mesuld a ngmai el mo diak; suldii er a rengul; smuld a llechukl, seldel a llechukl.

mesulkolk: (*mesulk`olk*)

mesulkolk a remuul el mo sulkolk; mo tekokou, sulkelkii a bdelul; sulkelkel.

mesululang: (*mesulul`ang*)

mesululang a mocha mesulaul.

mesumech: (*mes`umech*) (2)

mesumech a suumech a meringel, sumechii a chelam el chim; smechel a ringel.

mesumech: (*mes`umech*) (1)

mesumech a sumechii a berul; merekii a chedecholl, suumech a bar, smechel a bar.

mesumech: (*mes`umech*) (3)

mesumech a oldurokl a tekoi; melekoi a klumech; suumech a tekingel el mo er a ngelekel; klmechel.

mesumk: (*mes`umk*)

mesumk a omusech; suumk a chiul, sumkii a bilel; semkel a chui.

measurech: (*mes`urech*)

measurech a melecholb a mekeald; meriso er a mekeald; surechii a omechell; smurech a kltkat; serechel.

mesusuub: (*mes`uub*)

mesusuub a melemolem e mekekakil el mesuub.

mesusuud: (*mesus`uud*)

mesusuud a betok el omesuud; mesusuud er a ulechel a otkang.

mesuub: (*mes`uub*)

mesuub a melasem el mo meduch; suebii a chelitakl; suub a tekoi er a belual, subel.

mesuud: (*mes`uud*)

mesuud a merrakl; melbotb, suedii, smuud a ulechel a kim; suedel.

met: (*m`et*)

met a omet; omeseos; met a meradel el melai a osechel, metir a tut.

metacher: (*met`acher*)

metacher a diak el ungil besul; metacherbesul er a rengul a rokui; metacher er a rengul a chetil.

metacherebesul: (*metacherebes`ul*)

metacherbesul a diak el ungil besul a delengcheklel; betok a ngesonges er ngii.



**metaech: (met`aech)**

metaech a mekerior; metaech el omenged a kesai a ngikel. er ngii.

metaiu: (met`aiu)

metaiu a melemalt; bebul a ked a metaiu.

metal: (met`al)

metal a ta er a bedengel a chedeng.

metamk: (met`amk)

metamk a remiid a mera el ngii; bail a telamk; mo diak a cheiul, tomkii, tuamk, metamk a bdelul; temkel.

metang: (met`ang)

metang a metengal; metengal a rael; metang el kerrekar a ngar er ngii a metengal.

metau: (met`au) (1)

metau a meduch el lius el di ngii el ruebet.

metau: (met`au) (2)

metau a mechebus er a mekeald, metau er ngau; tour a bakelungal; tmau a such, teul a such.

metbard: (metb`ard)

metbard a mo delbard; diberdii a oluches; dibard a bambuu; a mlai a mla metbard er a rael; diberdel.

metbetbang: (metbetb`ang)

metbetbang a mla metib; urreor a telib; mla metbotb a urrereel a rael; urreor a metbetbang.

meteberall: (meteber`all)

meteberall a tobiall a medal; toberall.

meteberechel: (meteber`echel)

meteberechel a toberecheli; melekoi el klou a ngerel e oungeroel; ng mla meteberechel a mechas; teberchelel.

metebetobed: (metebet`obed)

metebetobed a blechoel e mekudem el tuobed; metebetobed er a taem er a urreor.

metebtib: (metebt`ib)

metebtib a beot el metib; chemutii a metebtib el kall; tbetbil, tebtib.

metech: (m`etech) (1)

metech a ometech el olab a uetech; metech a miich, metech a blai el olab a bad; metechii, otechel.

metech: (met`ech) (2)

metech a ometech; omech a bechoel; kudmokl a udoud el ometech a secher.

metechii: (metech`ii)

metechii a ometech er ngii; otechel a blai.

meteet: (met`eet)

meteet a ngar bab e kebkall; Idid me a Udes a meteet el blai; meteet a lemedai me ngii a di meteet, iltetel.

metekeel: (metek`eel) (1)

metekeel a metenget a omerekolel er a kall; diak le bo el ka le mei a kelel.

metekeel: (metek`eel) (2)

metekeel a diak a delebedbelel; tetekeel er a omengedecheduch; metekeel er a beketel a udoud.

metelatel: (metel`atel)

metelatel a ruebet el bedul eou a bdelul; tultelii, tulatel, tellatel er a tuangel; teltelel a ngalek.

metelil: (metel`il)

metelil a beluu; metelil a beluu a remerreder me a rdi mekedung er a beluu el meklou a usbechel a beluu er tir.

meteltilech: (metelt`ilech)

meteltilech a mereberebet el ngar er ngii a teltelechel, mengur a meteltilech; telechel.

metemall: (metem`all)

metemall a metemellang; tomellii a telbiil a diak el lemelemii, tomall a mlai; temellel.


metengal: (meteng`al)

metengal a metang er ngii el rael.

metengchokl: (metengch`okl)

metengchokl a metacherbesul; diak el ungil el molekoi; metengchokl el medu er a seked le ng mo merur.





metengel

metengel: (*met`engel*) (1)

metengel a mei er eou; metengel er a mlai; oldengelengel er a ked; metengel er a lius; tengelel.

metengel: (*meteng`el*) (2)

metengel a meteu er ngii, metengel a omouachel a dmolech.

metengetengel: (*metenget`engel*)

metengetengel a blechoel, mekudem el metengel; metengetengel a baoch er a Ngerdorech.

metengong: (*meteng`ong*)

metengong a mekngit el mad; mekngit a medal el chelid.

metengui: (*meteng`ui*)

metengui a mekekerei el ngikel.

meterakl: (*meter`akl*)

meterakl a obriid; terrakl, toreklii a delengchokl; tereklel a delengchokl.

meterekakl: (*meterek`akl*)

meterekakl a diak longedmokl; torekakl a udoud; torekeklii a bedengel, terrekekkel.

metermokl: (*meterem`okl*) (2)

metermokl a mo terrob el osus; ng mla metermokl er a medal a klobak; termeklel.

metermokl: (*meterm`okl*) (1)

metermokl a moubuu; mo meterob; metermokl el obeu a medal; turemeklii, turemokl a mederir, termeklel a mad.

meterob: (*meter`ob*) (1)

meterob a mo chebecheb; chemau eou; mo terrob; torbengii a chad; terbengel.

meterob: (*meter`ob*) (2)

meterob a obosech; mo diak; meterob a omerael e le eolt a meses; torebengii a urreor e mo er a kemeldiil; terbengel.

metetberechel: (*metetber`echel*)

metetberechel a metberechel el oungeroel; metetberechel er a di beot el tekoi; mla tobercheliil el melekoi a klakoad e diak a medakd er ngii.

metetbetobed: (*metetbet`obed*)

metetbetobed a mekudem el tuobed.

metetboech: (*metetb`oech*)

metetboech a melboech a kekul; nglengaer er a kerrekeriil a meteboech a kekul a chimal.

metetboid: (*metetb`oid*)

metetboid a beot el metboid; tibidii, tiboid a boes, tibidel, metetboid el boes.

metetekoi: (*metetek`oi*)

metetekoi a mekudem el melekoi; tokingii tiei me a tiei, metetekoi el mengeb lung.

metetemall: (*metetem`all*)

metetemall a beot e mekudem el metemall; metetemall el mlai

metetemtamk: (*metetemt`amk*)

metetemtamk a beot el metamk.

meteterakl: (*meteter`akl*)

meteterakl a beot el meterakl; obriid, kldibel a meteterakl a lak le meduch el ungil a merreder.

meteterekakl: (*meteterek`akl*)

meteterekakl a telkib el meterekakl.

meteterob: (*meteter`ob*) (1)

meteterob a mesesubuu; mechitechut, meteterob e di ngar er a me mesei.

meteterob: (*meteter`ob*) (2)

meteterob a mekudem el obosech; seseliolt a uchul me a omerael a meteterob.

meteteu: (*metet`eu*)

meteteu a klou a delongelel; meteu el omouachel, meteu el toachel; meteteu a ngerel a klou a ngerel; tengel.

metetitur: (*metetit`ur*)

metetitur a telkib el metitur.

metetoech: (*metet`oech*) (1)

metetoech a belsibs el tmoech er a bitang; otechii; otoech a medal er a metetoech.

metetoech: (*metet`oech*) (2)

metetoech a teletoechmad; diak longull; diak lolengmes, tmoech a medal er a rechad; techel a mad.



- metetongakl:** (*metetong`akl*)
metetongakl a telkib el metongakl.
- meteu:** (*met`eu*)
meteu a klou a delongeel; klou a chesel: meteu a meteteu; meteu el rael, tengel.
- metik:** (*met`ik*) (1)
metik a seliik; mla smiik; mla siekii; mla metik a ririid el kiis.
- metik:** (*met`ik*) (2)
metik a telik; mla tikir a medal; melik er ngii el chesimer.
- metilab:** (*metil`ab*)
metilab a ta er a bedengel omenged; te oumetilab el ngomedii a kelat.
- metianged:** (*metiti`anged*)
metianged a kmal klou; metianged er a ngerroel; klou el seseb a metianged, ngalek a metianged er a langel el oltoir.
- metitngal:** (*metitng`al*)
metitngal a mekikngit a rengul; mlechoit a metitngal a rengul.
- metitngot:** (*metitng`ot*)
metitngot a oudersesei el melngot; tungetngii a kukau; tungot a diokang, tngetngel.
- metitur:** (*metit`ur*)
metitur a diak le meduch; metitur el meloik; telitur er a urreor; metitur er a odekial a reng; telitur.
- metkei:** (*metk`ei*)
metkei a ko el mla metik; meketeket el kusiik e ko el metkei a ririid el kisek.
- metkerel:** (*metker`el*)
metkerel a metuker er ngii.
- metmut:** (*metm`ut*) (1)
metmut a ta er a bedengel a chedeng; kekerei a ngerel e diak le bekeu.
- metmut:** (*metm`ut*) (2)
metmut a mekekerei el chedib el soal el menga merikos.
- metom:** (*met`om*)
metom a telom; tomir, tuom el diak a lengai; diak a cheldil; temeel.
- metongakl:** (*metong`akl*)
metongakl a kekemangel; diak le kedeb; metongakl el chad; telongklel.
- metucheklel:** (*metuchekl`el*)
metucheklel a techukill er ngii; metechuklel a rael.
- metudang:** (*metud`ang*)
metudang a mla metiud; obii, metuda klebesei; teliud, blii el erung, tudel.
- metuker:** (*met`uker*)
metuker a cheleched; chei.
- metur:** (*met`ur*)
metur a beketimer; diak le bekerurt; mlim a metur er a mlik.
- metutii:** (*metut`ii*)
metutii a ometuut er ngii; malk a mla metutii a katuu.
- metuut:** (*met`uut*)
metuut a ometuut, malk a mla metuut a kall; Daiksang a mla metuut a kerrekar; betutel a kerrekar.
- meu:** (*m`eu*)
meu a omeu; ngalek a mla meu a ngais e mengii a belatong; obeu, bengel.
- meuchel:** (*me`uchel*)
meuchel a uluchel; mechellii a urreor; mla meuchel a urrereel a rael; uchelel.
- meudang:** (*meud`ang*)
meudang a mla mo meoud; kles a meudang; eudel.
- meuid:** (*me`uid*)
meuid a uluid; mudii, muid a babier, merkedii a babier er a kboub; mla meuid; udel.
- meuked:** (*me`uked*)
meuked a mla mechesimer er a uked; uluked, muked a meas, mkedii, ukedel a mekebud.
- meukel:** (*me`ukel*)
meukel a ulukel; diak el dechor; mla mukel a kerrekar, mkellii a lius; ukelel.



meuoch

meuoch: (*meu`och*) (1)

meuoch a uloch diak a klisiich; aki mla meuoch er a rsechelimum el meduch el mengesols; aki mochengang.

meuoch: (*meu`och*) (2)

meouch a uloch; delul el meduu a mla meuoch; mechengii, ochengel.

mibii: (*mib`ii*)

mibii a omibii; merurous, te mla mibii a chutem el mo cherengir; blii, bingel.

Michel: (*mich`el*)

Michel a miich er ngii, kerrekerul.

mid: (*m`id*)

mid a omid; ildoid; mla mid a chimal er a cheiul; bdengel.

mideklii: (*midekl`ii*)

mideklii a omidokl er ngii; metechii el mong me a lechub e ng mei.

mides: (*m`ides*)

mides a omides; chemoit a kall; mides a chimal, mla mides a kall; bdesel.

midii: (*mid`ii*)

midii a omoid; moid; omiais, merael, sekerael; a mla midii a beluu e mei, bidel a beluu.

midokl: (*mid`okl*)

midokl a ometech; omidokl, mideklii a bdou, midokl a besbas; bideklel.

mii: (*m`ii*)

mii a omii; mibii; merous, bingel a udoud.

miich: (*m`iich*) (1)

miich a ta er a bedengel a kerrekar el kall a rdechel; Michel.

miich: (*m`iich*) (2)

miich a omiich; imakl a ungil er a mekngit; kerrekeriil a miich a klemerang; miich a cheluch; bichel.

mikoik: (*mik`oik*)

mikoik a mo meuoch; mo mechitechut er a klengit el reng, mechas a di mo mikoik er a kodellel a ngelekel.

milii: (*mil`ii*)

milii a omail er ngii; loia bilel.

milil: (*mil`il*)

milil a diak el ourreor; merau a merael el milil a beluu; rebuik a milil er a tebetab.

milk: (*m`ilk*) (rrodel)

milk a osechel a tul a kerebou.

milkelkang: (*milkelk`ang*)

milkelkang a mocha milkolk; klebesei; merema ilkol; ilkelkel.

milkolk: (*milk`olk*)

milkolk a sirukel; diak le mellomes; klebesei a milkolk; ilkelkel.

milngoll: (*milng`oll*)

milngoll a charem er a daob; ta er a kebliil er a bukitang me a luut.

mimimekang: (*mimimek`ang*)

mimimekang a mla mo mimiumek.

mimiumek: (*mimi`umek*)

mimiumek a medemedemek er a delekimes; olekang a mimiumek; mimimekang.

mimokl: (*mim`okl*)

mimokl a diak le mekreos; ilmokl er a kall a blekerurau; mimokl a delibuk el diak le kes.

minger: (*m`inger*)

minger a ominger; blinger er a meched diak lorael; mingerii a mlai; blinger er a chedelchei.

mingerii: (*minger`ii*)

mingerii a ominger er ngii; blinger er a meched.

mingii: (*ming`ii*)

mingii a omii er ngii; rengalek a mla mingii a kelir el iedel; bingel.

miong: (*mi`ong*)

miong mla mo mui; baket a miong er a ralm.

miou: (*mi`ou*)

miou a omiou; koididai a besbas; oked el omiou a dmou betok e kesai a meruul.

mir: (*m`ir*) (1)

mir a besengel a medul el bad el omechakl er a daob.





- mir:** (*m`ir*) (2)
mir a omir a chimal el melmesumech,
rengalek a milil el omir a bir.
- mirechorech:** (*mirech`orech*)
mirechorech a ta er a bedengel a
ngikel.
- miremerem:** (*mirem`erem*)
miremerem a kmal milkok;
keremerem; diak a buil me a rael a
miremerem.
- misaker:** (*mis`aker*)
misaker a diak le mesisiich; misaker
el kukau a mekngit el kall.
- misang:** (*mis`ang*) (rrodel)
misang a mo er a ikelesia.
- misekerel:** (*miseker`el*)
misekerel a misaker er ngii.
- miseklii:** (*misekl`ii*)
miseklii a omisekl er ngii; blisekl.
- misii:** (*mis`ii*) (1)
misii a omais; merael er ngii el
beluu; bisel er a chelechol.
- misii:** (*mis`ii*) (2)
misii a omiis er ngii el babier.
- misiusech:** (*misi`usech*)
misiusech a meiyusech e chelellak;
diak le meringel a daob.
- misk:** (*m`isk*)
misk a oumisk; oumisk e le ngar
ngii a chetil; diak le ua misk er ngii.
- mitech:** (*m`itech*)
mitech a omitech; mitech a bilas;
mtechii a mlai el mo bedul a bitang;
mo ulitech, mo ulekellakl;
utechel a mlai.
- mitechii:** (*mitech`ii*)
mitechii a omitech er ngii el mlai.
- mitekelengii:** (*mitekeleng`ii*)
mitekelengii a omitelek er ngii;
medecheklii; koimtengii er a
chutem; klaibedeckakl.
- miteklii:** (*mitekl`ii*)
miteklii a omitokl er ngii; mo blitokl.
- mitelek:** (*mitel`ek*)
mitelek a omitelek; mukel;
mengkangk, mitelek a dellomel el
diokang; bitekelengel.
- mitii:** (*mit`ii*) (1)
mitii a omuit er ngii; dobesii a deb.
- mitii:** (*mit`ii*) (2)
mitii a omuit er ngii; melim er a
medal a ollumel.
- mitil:** (*mit`il*)
mitil a delongelel; mitil a sils a
sangdei; mitil a mechesang a dedaes.
- mitokl:** (*mit`okl*)
mitokl a omitokl; miteklii; mitokl a
oluches; biteklel.
- mkais:** (*mk`ais*)
mkais a ngmai a dengebel; omkais
a olekang; mkisii a chesimer;
bkisel.
- mkar:** (*mk`ar*)
mkar a omkar a omekungil; toktang
a mkar a secher; mkar a ngikel er a
sar; ukerul a ngikel.
- mkebkii:** (*mkebk`ii*)
mkebkii a omkobk er ngii; nguu a
budel; bkebkkel.
- mkedii:** (*mked`ii*)
mkedii a omuked er ngii; mkedii a
ngikel; ukedel a meas.
- mkelii:** (*mkel`ii*)
mkelii a omukel er ngii; ukelel.
- mkerur:** (*mker`ur*)
mkerur a omkar er ngii; omkar er a
telemall.
- mkisii:** (*mkis`ii*)
mkisii a omkais er ngii.
- mkobk:** (*mk`obk*)
mkobk a omkobk; melai a budel.
- mkukii:** (*mkuk`ii*)
mkukii a omkuuk er ngii; rullii el
mo blkuuk; bkukel.
- mkuuk:** (*mk`uuk*)
mkuuk a omkuuk, mkuuk a
blauang, bkukel.
- mla:** (*ml`a*)
mla a melekoi er a rrekui el tekoi;
mla mong; mla er ker; mla er a skuul.
- mlai:** (*ml`ai*)
mlai a olidiuul er a beluu me a
daob; mlai a oltak a rechad me a
uleklool.





mlaoch

mlaoch: (*ml`aoch*)

mlaoch a omlaoch; mlaoch a kerrior; mlochii a keterekokl el kodall, ulaoch, ulochel.

mlaol: (*ml`aol*)

mlaol a omlaol; locha ulaol; mlolii a blai er a bambuu; ulolel.

mle: (*ml`e*)

mle a melekoi er a rrekui; Bung a mle tmuu; ng mle mekerang?

mleblii: (*mlebl`ii*)

mleblii a omlibl er ngii; oltobed, mlibl a chelais el ngimes; mleblii a mdechel; bleblel a mudech.

mlechii: (*mlech`ii*)

mlechii a omulech er ngii; mlechii a ilumel, blechel.

mled: (*ml`ed*)

mled a ulkoad el cheled; mled el semum.

mlei: (*ml`ei*)

mlei a mla mei me ngar tiang; skoki a mlei er a tutau.

mlemlil: (*mleml`il*)

mlemlil a mlimpl er ngii; mlemlil a mermarech.

mlibl: (*ml`ibl*)

mlibl a omlibl; mleblii a chelais el ngimes.

mlil: (*ml`il*)

mlil a mlai er ngii el chad.

mliml: (*ml`iml*)

mliml a delechil a cheled; mlemlil a meremarech me a molech a kall.

mlo: (*ml`o*)

mlo a melekoi er a taem el tekoi a dilubech; mlo kot er a rurt; mlo smecher; mlo er a omerael.

mlochii: (*mloch`ii*)

mlochii a omlaoch er ngii; ulaoch.

mlodurech: (*mlod`urech*)

mlodurech a di oderuchel; ng di melekoi a meldung; oderchelel.

mlolii: (*mlol`ii*)

mlolii a omlaol er ngii; locha ulaol.

mlong: (*ml`ong*)

mlong a mla mong; mlo er a skuul.

mlotengel: (*mlot`engel*)

mlotengel a mlengai el me er eou; ultengelii a bangderang; ultengel, otengelel.

mlotngakl: (*mlotng`akl*)

mlotngakl a mloluut; ultngakl er a urreor a dimlak le mengai; otngeklel.

mngakl: (*mng`akl*)

mngakl a omngakl; locha a ngklir; mngeklii.

mngamk: (*mng`amk*)

mngamk a omngamk; locha ungamk er ngii; mngemkii a mo er ngii a blai; ungemkel.

mngar: (*mng`ar*)

mngar a omngar; melai a idungel; mngerur.

mngebngii: (*mngebng`ii*)

mngebngii a omengob er ngii; bngebngel.

mngeklii: (*mngekl`ii*)

mngeklii a omngakl er ngii; msa ngklel.

mngelmii: (*mngelm`ii*)

mngelmii a omngim er ngii; msa imelel.

mngemchii: (*mngemech`ii*)

mngemchii a omngamech er ngii; msa a chemelel.

mngemkii: (*mngemk`ii*)

mngemkii a omngamk er ngii; loa ungamk.

mngerur: (*mnger`ur*)

mngerur a omngar er ngii; ngmai a idungel; bngerul.

mngim: (*mng`im*)

mngim a omngim er tir; mesterir a imelir.

mo: (*m`o*)

mo a melekoi er a ngar medad; mo er a klukuk; ng mo el merekong? ng mo e mei.

moalech: (*mo`alech*)

moalech a diak le mekereker; bung a moalech; moalech a rengul; merael el mo merat a moalech; molechang.





- moar:** (*mo`ar*)
moar a ta er a bedengel a telemtam;
budel a meradel a moar;
bekersiu a moar.
- moat:** (*mo`at*)
moat a ulat; metir; mat a klengoes;
otil er a ingukl; moat er a chutem
el mesiuch a sengchel.
- moch:** (*m`och*)
moch a omoch; ngalek a mla
mechengii a sualo; omoch a chudel;
olsarech.
- mochaet:** (*moch`aet*)
mochaet a ulechaet; mla mochaet a
kereel; omechaet er a kereel;
uchetel.
- mochang:** (*moch`ang*)
mochang a omerolel el mong; locha
mochang.
- mochar:** (*moch`ar*) (1)
mochar a ulechar; mecherar,
mechar, blik a mla mochar er a
ocheraol; ocheral.
- mochar:** (*moch`ar*) (2)
mochar a ulechar; mla mochar a
ollumel er a ralm; mla mekeek a
ollumel er a ilumel; ocheryl a
ollumel.
- mochelochel:** (*mochel`ochel*)
mochelochel a motngeong; duum er
a diak le kirel; mochelochel er a
mengubs; ochelechelel.
- mochem:** (*moch`em*)
mochem a ulechem; mechemir;
mechem a ngikel; ochemil a ngikel.
- mochereuakl:** (*mochereu`akl*)
mochereuakl a ulechereuakl; mloiit
a bereberel ochil; ouach el meknjit
a delecherul e mochereuakl;
mechiud.
- mochero:** (*moch`ero*) (1)
mochero a urros; ulechero er a
daob; ngalek a mla
mochero.
- mochero:** (*mocher`o*) (2)
mochero a blult; ngalek a mla
mochero e omtok er a demal.
- mochetekl:** (*mochet`ekl*)
mochetekl a ulechetekl; mochoid;
ochetekl a kloleklek; ocheteklii a
blai; ocheteklel.
- mocheuekl:** (*moche`uekl*)
mocheuekl a ulecheuekl; diak le
klou el chemolt; kiei er a
mocheuekl.
- mochis:** (*moch`is*)
mochis a mla mengai el mo diak;
chemis a idib; ochis a ollumel;
ochisir a klengoes; ochisil.
- mochit:** (*moch`it*)
mochit a ulechit; mla ngmanget;
ochetir a sechelil; mla mochit er a
sechelil; ochetil.
- mochoid:** (*moch`oid*)
mochoid a ulechoid; ulechetekl,
ngar a diak el urrebetellel; mochoid
a bkul a ochil.
- mocholo:** (*moch`olo*)
mocholo a ulecholo; nglai a
cheleuel; mecholo; mecheleuii a
ngikel, ocheleuel.
- mochucher:** (*moch`ucher*)
mochucher a ulechucher; mla mo er
a ngeiuul el ildois; mechucher a
udoud el mo \$12,500.00,
ochecherel.
- mochung:** (*moch`ung*)
mochung a kmeed el mong; ke
mochung? ak mochung.
- mochur:** (*moch`ur*)
mochur a ulechur; udoud a mla
mochur; mla mechur;
ocherngel.
- mochutem:** (*moch`utem*)
mochutem a ulechutem; mchetemii
a deliobech; omchutem er ngii; mla
msa chetemel.
- modak:** (*mod`ak*)
modak a uldak; oldak; beluu a mla
modak, odekiar, odak a reng;
odekial.
- modech:** (*m`odech*)
modech a omodech a kall;
medechii a odoim; bedechel a kall.





moded

moded: (*mod`ed*)

moded a obereberk; modidil a chutem; moded a rengul a ungil e melemalt a omerellel.

Modekngei: (*modekng`ei*) (1)

Modekngei a cheldebechel er a klechelid el oba ta el tekoi; Ngaramodekngei.

modekngei: (*modekng`ei*) (2)

modekngei a dokngei; mla mo dmak.

modelab: (*model`ab*)

modelab a ongeru el buil er a rak er a Belau.

modelid: (*model`id*)

modelid a ngar a ta el mo er a tang e melemolem el omdedelid; uldelid el tekoi; mesei a uldelid diak el ngar a diak el ouklalo er ngii.

modengelengel: (*modengel`engel*)

modengelengel a oldengelengel; merael el mo er eou; odengelengelii a kerrekar; odengelengelel.

moderemerem: (*moderem`erem*)

moderemerem a uldermerem; oldermerem er ngii; mo er eou; ngar a chelsel a ralm me a daob; odermermel.

modes: (*m`odes*)

modes a omodes; omeldakl; melengoes a beches el klengoes; medesii a ngikel; bedesel a malk.

modeuades: (*mode`uades*)

modoades a ungil blades; chelellak, medemedemek; modoades a cheldechedechal el chad a ochau a ungil el osengel a bis el mo er ngii.

modidil: (*modid`il*)

modidil a moded er ngii.

modik: (*mod`ik*)

modik a motobed; odikii; uldik er a delengcheklel; mla modik er a beluu; odkikel.

modil: (*mod`il*)

modil a beobidil; saudil; sechal e soal meruul a tekoildil.

modingel: (*mod`ingel*)

modingel a uldingel; ules; oldingel er ngii; odngelii, odngelel a smecher.

modisech: (*mod`isech*)

modisech a oldisech; mongimech; mla modisech a kar er a medal.

modk: (*m`odk*)

modk a omodk; toktang a medkii a delel; modk a mederir; bodk bedkel a mad.

modob: (*mod`ob*) (1)

modob a uldob; oldob a babier; mla modob a oles er a chemrungel; odebengel.

modob: (*mod`ob*) (2)

modob a mo meoud; duob er a skuul; oldob er ngii; mla modob er a skoki.

modubech: (*mod`ubech*)

modubech a uldubech; odbechii a ngalek; mla modubech el ngmasech er a mlai; odbechel.

moduis: (*mod`uis*)

moduis a ulduis; odisii; ngar er ngii a oduis er ngii; moduis el mo metemall; moduis el merael; odisel.

moduleb: (*mod`uleb*)

moduleb ulduleb; odelebii, oduleb a bail er a ralm, mla moduleb er a daob; odelebel.

modurokl: (*mod`urokl*)

modurokl a uldurokl; mla modurokl a babier el mong; odurokl a udoud; odureklel.

moeached: (*moe`ached*)

moeached a uleached; orreched el meruul; chad a mla okiuechei el ngmai; oleached el souchii a buuch; oechedel.

moech: (*m`oech*)


moech a omoech; mechii a biskang; moech a uloech el mo cheroid.

moes: (*m`oes*)

moes a omoes; mla moes a betok el belochel; mosii a olik; bosel.



- moid:** (*m`oid*)
moid a omoid; merael; sekerael a mla moid a betok el beluu; midii, bidel a beluu.
- moiteitel:** (*moite`itel*)
moiteitel a beat el moitel; uasech a moiteitel; mechebechubel, beat el moitel.
- moiub:** (*moi`ub*)
moiub a uliub; mengeuid er ngii, meringel el moiub el ngalek; oibngii; oiub; oibngel a ngalek; "mo era Ngetecheuid".
- moiubek:** (*moi`ubek*)
moiubek a uleiubek; mla oibekii a meringel el urreor; oiubek a kboub; msibs el otoech er a bitang; oibekel a kboub.
- moiuid:** (*moi`uid*)
moiuid a uleiuid; mengodech; mla nguu a chutem el mo er a ngklel; mla moud a chutem; oidii, oidel.
- moiuul:** (*moi`uul*)
moiuul a uleuul el mo er a bitang oiuelii er a did; oiuul a klalo el mo er a ngodech el blai; oiuelel.
- mok:** (*m`ok*)
mok a omok; mkais; smecher a mla mok a medal el mesisichang; mekengii a ngerel; bekengel a medal.
- mokebai:** (*mokeb`ai*)
mokebai a merrob; olekebai, okebir er a omelim; diak le mokebai er a ngeiul a mekngit el kar.
- mokedelad:** (*mokedel`ad*)
mokedelad a ulekedelad; ungil el kldmokl el okiu a roel; mekedeldar a ngalek; mekedelad a tekoi; okedeldal a ngalek.
- mokedengarech:** (*mokedeng`arech*)
mokedengarech a mo dengarech; mekedengerechii a olekang; mekedengarech a belatong; okedengerechel.
- mokedong:** (*moked`ong*)
mokedong a ulekedong; mekedongii a sechelii; oleker; omekedong er a Rengebard; okedongel.
- mokedurs:** (*moked`urs*)
mokedurs a ulekedurs; omechiuaiu; ngalek a ulekedurs; mekedusii a klechedaol; okedusel.
- mokeed:** (*mok`eed*)
mokeed a ulekeed; olekeed; mo kmeed; okedii a mlai; okeed a kall; okedel.
- mokeek:** (*mok`eek*)
mokeek a ulekeek; omekeek; mo mui; mekekii a ollumel; klou el blai a diak le mokeek; okekel.
- Mokemok:** (*mokem`ok*)
Mokemok a iungs el ingssel a Beluulchab.
- mokesebech:** (*mokes`ebech*)
mokesebech a mo bedul eou me a lechub e ng bab; mokesebech a bderrir el mo er a bab, omekesebech, mekesebetchii a medal me ng mo sebechel moues; okesebechel.
- mokesiu:** (*mokes`iu*)
mokesiu a ulekesiu; omekesiu er a babier; mekesiu a llechukl el mo ua ingii; mekesiur a bail; okesiul.
- moket:** (*m`oket*) (1)
moket a omoket; oltobed; meketii a udoud; moket a beldechelel, beketel.
- moket:** (*m`oket*) (2)
moket a mangedoked; meketii a klemesamel; moket a lechetel a klalo; moket a kall; beketel.
- mokibetiekl:** (*mokibeti`ekl*)
mokibetiekl a ulekibetiekl; rullii el kibetiekl; okibeteklii a demal; okibeteklel.
- mokiik:** (*mok`iik*)
mokiik a olekik; ngmai el betok me a lechub e ng rokui; okiik a kall; te mla mokiik el mo er a bai.



mokom

mokom: (*mok`om*)

mokom a ulekom; duob, imiit,
metom, mla mokom er a omerael.

mokoroker: (*mokor`oker*)

mokoroker a ta er a bedengel a
ngikel.

molech: (*m`olech*) (1)

molech a kirs; melechel.

molech: (*m`olech*) (2)

molech a cheled el kall.

moluut: (*mol`uut*)

moluut a ulluut; lmuut el mei;
olutii er a klekool; moluut er a
skuul e le ng di kea lsebechel; oltel.

mong: (*m`ong*)

mong a merael mo cheroid; skuul a
ngar a mong.

monganged: (*mong`anged*) (2)

monganged a mo soal; ulenganged
er a nglikel a klebokel el meloik;
ngmanged er a ungil dil;
ngengedel.

monganged: (*mong`anged*) (1)

monganged a ngmanged;
olenganged el mei er eou;
ongengedii el metengel, onganged
a kerreker er a ngesachel; ongengedel.

mongaok: (*mong`aok*)

mongaok a ulengaok; mla mongaok
a ngokir a rechad er a klekool;
ongokel.

mongchongch: (*mongch`ongch*)

mongchongch a ulengchongch; mo
subed a ngeiul a uel el telkib;
ongchengchii a bul; ongchengchel.

mongduul: (*mongd`uul*)

mongduul a teletael; ko er a
teletelel a ngduul; chaibibiob;
mongduul el buuch.

mongeasek: (*monge`asek*)

mongeasek a ulengeasek; ungil el
blechobech, mla mongeasek a kall
er a bai; ongesekel.

mongeng: (*mong`eng*)

mongeng a olengeng; omes;
meringel mongeng a lmangel er a
ulekoad el ngelekel; ongengii.

mongesechekl: (*mongesech`ekl*)

mongesechekl a ulengesechekl;
olengesechekl a mo er a bab;
ongesecheklii; ongesechekl a
ududel; ongesecheklel.

mongesenges: (*monges`enges*)

mongesenges a ulengesenges; mla
mengai e morenges; olengesenges a
llach; orrengees, ngosenges a llach.

mongibes: (*mong`ibes*)

mongibes a ulengibes; kid a mla
mongibes er a kelir a Rengebard;
te mla ongbesid.

mongill: (*mong`ill*)

mongill a ulengill; mla morebet;
iedel a mla mongill; ongellii, ongill
a rodech, ongellet a iedel.

mongim: (*mong`im*)

mongim a ulengim; smecher a mla
mongim er a kar; ungelmel.

mongimech: (*mong`imech*)

mongimech a ulengimech;
modisech; olengimech a kar; mla
mongimech a kar er a medal,
ongimech; ongmechel.

mongimes: (*mong`imes*)

mongimes a ulengimes; ultamet;
ongmesii; ongimes a blaol;
ongmesel.

mongird: (*mong`ird*)

mongird a ulengird; ungil a
ulekerulel; olengird er ngii; mla
mongird er a chelleoch;
mengerengird, mereched el mo
klou.; ngerngerdel.

mongit: (*mong`it*)

mongit a ulengit; mla mengai; mla
mongit a udoud; ongtir a beras,
ongit a dekol; ongtil.

mongkangk: (*mongk`angk*)

mongkangk a ulengkangk; mei er
eou; mla mechoit; ongekngkii a
urreor, ongekngk a klalo er a ulaol;
ongkekngkel.

mongkii: (*mongk`ii*) (rrodel)

mongkii a ta er a bedengel a charm
el meduis el melemiakl.

